

17. december 2024

Nr. 1597

**Kalaallit Nunaanni eqqartuussisarnermik inatsimmi § 339 c
malillugu, illersuisup pissutissalimmillu pasisap allagaatinik
takunnissinnaatitaanerisa avaqqunneqarsinnaaneratt pillugu
suliani eqqartuussissuserisut ivertinneqarsinnaasut pillugit
Kalaallit Nunaannut nalunaarut**

Inatsimmik allanngorneri ilanngullugit nalunaarutiginninneq nr. 1186, 18. september 2023-imeersoq, [...]ikkut allanngortinneqartoq, malillugu Kalaallit Nunaanni eqqartuussisarnermik inatsimmi § 339 c, imm. 7 malillugu aalajangerneqarpoq:

§ 1. Illersuisup pissutissalimmillu pasisap allagaatinik takunnissinnaatitaanerisa avaqqunneqarsinnaanera pillugu, Kalaallit Nunaanni nunap eqqartuussisuunera aamma Nunatsinni Eqqartuussivimmi eqqartuussisut qullersaat kiisalu Advokatrådet oqaloqatigereerlugit, eqqartuussissuserisut aalajangersimasumik amerlassusillit, eqqartuussisarnermik inatsimmi § 339 c, imm. 1-imiit 5 ilanngullugu malillugit suliani ivertinneqarsinnaasut, Inatsiseqarnermut ministerip atorfinitsissavai.

Imm. 2. Tamanna pillugu Ministeriet for Samfundssikkerhed og Beredskab-ip paasissutissat allanut oqaatigineqarsinnaanngitsut pillugit tiguisinnaasutut nalilersuinissaq pillugu kaajallaasitaani malittarisassat malillugit, paasissutissanik allanut

oqaatigeqqusaanngitsunik tiguisinnaasutut naleqqunnersut pillugit eqqartuussissuserisut toqqarneqartinnatik nalilersuiffigineqassapput.

Imm. 3. Eqqartuussissuserisut ukiut marlukkaarlugit atorfinitsinneqassapput.

§ 2. Inatsiseqarnermut ministereqarfimmit immikkut ittumik akuersissut malillugu eqqartuussissuserisut sulianik suliarinninnerminni taamaallaat ikiorneqarsinnaapput. Inuit eqqartuussissuserisunik ikiuisut, § 1, imm. 2 malillugu paasissutissanik allanut oqaatigeqqusaanngitsunik tiguisinnaasutut naleqqunnersut pillugit nalilersuiffigineqassanersut, Inatsiseqarnermut ministereqarfiup aalajangersinnaavaa.

Imm. 2. Tamanna pillugu Ministeriet for Samfundssikkerhed og Beredskab-ip paasissutissat allanut oqaatigineqarsinnaanngitsut pillugit tiguisinnaasutut nalilersuinissaq pillugu kaajallaasitaani malittarisassanut naapertuuttumik, eqqartuussissuserisut inuillu allat, taamaattoqarpallu taakkununga ikiuisut, suliami takussutissianik taakkunanilu paasissutissanik suliarinnissapput.

Imm. 3. Takussutissiat toqqorneqarnerannut Inatsiseqarnermut ministereqarfik ikiuussinnaavoq.

§ 3. Nalunaarut ulloq 1. Januar 2025 atuutilissaaq.